

鄂東視察印象記

程其保

- 一．視察行程經過
- 二．收復匪區現狀
- 三．復興匪區問題

其保長鄂省教育，瞬經四月，念四鄉殘破，匪盜如毛，而學校教育，集中都市，雖學舍宏開，終無法使莘莘學子，盡量入學，時用爲憂。往者考查教育，遍歷歐洲；知教育之興廢，關係國家之盛衰；而教育之發展，不在廣集於都市，尤應普及於鄉村；故到任伊始，即以發展鄉村教育爲職志；訂定條規，詳擬計劃，亦已啓社會之注意，而開發展鄉村教育之途徑矣！惟是鄂東黃麻一帶，久淪匪區，中間迭奉 蔣總司令令飭，已組織匪區教育設計委員會，通力進行，得有相當頭緒；無如匪情萬變，民困財空，而計劃有不得盡情設施，間且有設施而恐未盡合實情者；爰於十月十四日，帶同督學張士瑄，編審郭錫惠，親赴黃陂，麻城，轉赴河南，漢川，經扶，折回黃安，禮山等縣視察，深入匪區，往返八日，凡所見聞，極爲慘目驚心，用特著之於篇，以見復興農村與肅清匪患，互爲因果，而匪區民衆之待救養，尤汲汲焉！

鄂東視察印象記

一．視察經過

十月十四日晨六時三十分整裝出發，
麻城宋埠
時建設廳李廳長範一，擬赴黃麻視察
匪患未清
公路，爰與之同行。七時三十分渡江

，八時自漢口乘車赴黃陂，同行者除本廳督學張士瑄，編審郭錫惠，建設廳李廳長範一，科長陳瑞，鄂東汽車道管理局長譚先綱而外，尚有湖北棉業改良委員會委員楊顯東，技師劉欽晏及美國康乃爾大學農學博士馮澤芳等三人；九時三十分抵黃陂縣，時陸軍第三十軍特務旅副旅長張植標，黃陂縣縣長華文選，教育局長吳注東均在站相候，遂同赴旅部及縣府，就詢以民情俗尚，軍紀匪情，十時許至教育局，視察民衆教育館，縣立中心小學，及縣立中學，面加指示，并詢以最近辦理聯保小學詳情，旋即離縣渡河前進，因縣河橋梁，工程較大，未及建修，汽車須由船隻裝運渡河，乃得達也。

渡河而東，過魯臺及望魯學校故址，憶雲淡風清之句，令人穆然神往。遺台高聳，名德巍然，而崇德墓道之學校，乃今夷爲馬廐，爲之感喟不置。十二時三十分，過李家集附近河橋，已入黃岡縣境矣，是橋舊爲匪毀，近始修復，長約千餘呎，四周多大旗而少學校，民智未開，殆所以易爲匪惑也。下午二時抵麻城宋埠，晤第四區行政督察專員程汝懷及麻城縣縣長鄭重，李廳長一與之略商築路情事，旋即共謁二十六路軍總指揮孫連仲，談順河集左近匪情及築路徵用民夫辦法。宋埠爲麻城巨鎮，昔時商賈雲集，貨物四通，今則匪患頻仍，團隊給養浩繁，遺民憔悴！將行時，居民紛紛報匪劫，村莊騷擾，慘狀可憫。四時半離宋埠，過中館驛，同李廳長程專員隨局長鄭縣長等，查勘順河集以南公路路線，其北現仍多匪，不便查勘，此路果通，匪勢當可減少。總司令飭速築修，規模實宏遠矣。巡視畢，乘車北上，六時抵麻城縣，寓縣公署。麻城城垣高廣，廬市頗安，蓋匪屢攻而僅得未陷者。街道多石子，與黃陂同。八時召集麻城縣立中心小學全體教職員到署訓話，旋指示經費保管委員會委員整理教費要點，十一時縣督學王若愚代理教育科科长涂國柱來謁，令督學張士瑄與之接談，詳爲指導。此視察第一日經過情形也。

十五日上午八時，同李廳長程專員鄭縣長等往麻城縣立中心小學及女子小學視察，分別予以指導，並敦屬縣長切實發展鄉村教育，縣督學勤加考查；九時自麻城乘車赴潢川；十時過武家河；十一時過東崗，三十一師李師長敬明防地，數日前猶與匪劇戰處也，山路崎嶇，高出平地二百公尺以上，自此深入山地矣。十一時三刻過福田河，該處爲股匪出沒之處，橋梁間有焚毀，民房殘破無餘，麻城縣縣長之住宅已爲匪燒毀，而土地則固腴美。聞匪衆往往用聲東擊西之法，由麻城東部，衝過我軍防地，而竄聚麻城西北部，故我軍常於東西交通路口，阻塞木材樹枝，以絕匪路。本日經過時，李廳長一鼻端，忽爲樹枝所傷，則匪勢固時可慮也，下午一時，達小界嶺，過此即入河南境，沿途油販絡繹，皆來自河南者也；油販每人可担油八十斤，約可賺國幣兩元，往返需時八日，僅足糊其口；交通不便，貨運維艱，以之與外貨競爭，其能不被排擠者幾希矣。此路既通，斯困可免，嗟彼勞民，又未知何以謀生！在小界嶺小憩，李廳長程專員鄭縣長等遂折回麻城。譚局長先炯及督學編審等仍率同乘車前往，沿路山秀水麗，不減匡廬。二時三十分過沙窩，則已入平地，豫鄂皖邊區剿匪總司令部在焉。時路多泥濘，劉總司令現在潢川，遂未及勾留，前進過白雀園，聞有寨，可責守

禦，上年曾爲匪所佔據，然亦用兵要地也。益進抵潢川，寓招待處，時已下午六時，燈火星星，自麻城至此約二百七八十里，此次自鄂乘車至豫，尙爲第一次，山路多曲折，廢時乃甚多，然較之往昔，則又迅速多矣。八時往訪河南特區教育委員會委員長李步青及委員在本一王春元等，並會同邊區剿匪軍總司令部秘書長胡石青及安徽教育廳督學王崇玉商籌匪區教育設計實況，約定次日上午九時開會討論，此視察第二日經過之情形也。

三省代表會

商匪區教育

十六日上午八時至河南省立潢川初級中學，會同河南安徽兩省教育廳代表

劉總司令方患瘧新愈，其部下患病者頗多，聞數在八千人左右，與劉總司令詳談匪區教育設施情形後，旋出總部轉至潢川初中，開豫鄂皖邊區教育設計籌備談話會，報告各省進行情形，豫皖均在籌備，本廳則已進行，復次由胡石青秘書長將三省報告列爲五問題討論，決定辦法如次：（一）設豫鄂皖邊區教育設計委員會，由邊區總司令部及三省教育廳各派一人或二人充任委員，設計委員會經費由邊區總司令電呈三省總司令部決定；（二）經費根據蔣委員長教西電請邊區總司令會同三省政府呈請蔣委員長自收復匪區治本治標費中指

撥；（三）設一師資訓練所，集中各縣有教師資格者，予以短期訓練，再行分派至各縣師資訓練班，必要時各縣可聯合辦理；（四）關於教育方式及教材內容，俟委員會成立後再行決定。談話會畢，遂邀同李委員步青外出開步，見南北兩城，勢若環連，一水中繫，木排四散，塵市櫛比，灰塵滿目，信乎爲豫南之都會；然飛蠅滿處，路上污穢堆積，亟需整理也。四時應劉總司令西宴，六時赴潢川初中演講，七時開第二次教育設計籌備會，通過章程十一條，擬請劉總司令呈請總部核示，九時散會。此視察第三日經過之情形也。

十七日上午八時由潢川赴經扶，由劉總司令代備運貨汽車二輛，人坐其中，振頗殊甚，豫鄂兩省教育廳代表皆同行。九時過光山縣，縣城頗大，城北高阜築有碉樓，爲用兵所必需，被匪陷後恢復時所修建者也。十時二十分過潁皮河，出潁鎮深入匪區，沿途山水秀麗，村舍坵墟，紅樹青松，遍資點染，使匪患肅清，此誠足爲樂土也。十一時三刻抵經扶縣，經扶界豫鄂之交，土地肥沃，物產豐饒。縣治舊爲光山之新集鎮，北距光山一百里，南距麻城三十里，東距商城百四十里，北距羅山七十里，羣山環繞，向爲黃麻兩邑北都貨物聚散之地，豫南之達道也。城垣昔係石建，極堅固，十七年匪衆來犯，人民困守達兩年之久，迨後悍匪將四郊居民房